


楊監筆記



楊德澤虛倫著

余祖籍湖廣麻城人本姓李後遷居荊州沙市父諱鎮中武進士出仕陝西副總兵崇禎十三年告病閒住時天下大亂流賊老獬破荊州擄掠沙市父母全家死難余方生月餘乳媪抱逃陷賊營賊目劉四收養為子七歲余母舅黃九公亦在賊營為大將軍帳下叅將抱余密言爾繫我親外甥本姓李是麻城李家爾父曾為明朝副總兵劉非爾父乃害爾父母之讐人也大哭而別永歷九年余隨劉四出征雲南遇永歷出廣東劉受永歷詔書出鎮雅州劉時見孫可望欲害永歷又恐永

歷不能成事遂降可望本年 月李定國從廣東扈永
歷上雲南收復四川等處地方劉復降永歷命照舊鎮
守月餘有旨命各鎮總兵副將子七歲以上者俱要入
京伴太子讀書劉遣家丁八人送余入京并帶珍寶數
千欲賄上下不期家人匿之送余入內余時年八歲月
餘竟將余同衆二十餘人淨身入禁隨來八人俱各逃
去剩余一人體全愈時方近御皇上見余幼小留在宮
中隨太子居住余年雖小時想母舅之言故復楊姓上
賜名德澤後長成自號虛倫時一切衣履飲食俱是娘
娘照看待余如兒女如此三年余漸長成送入文書房
值本章匣隨駕伺候時內侍共有數十人宮闈中凡大
小機密之事俱余一人收管故能憶其大畧偶記始末
也

大明皇帝永歷在位一十八年永歷原係秦昌皇帝次
子封桂王鎮湖廣辰州府後因崇禎皇上駕崩內監龐
天壽楊國興等會議大臣扶立為帝時辰州正遇大亂
不能久居只得就廣東肇慶府建都已居五年力不能
住正在危急之間幸遇李定國改邪歸正自來降服力
保中興就封李定國為晉王後遷都雲南時小內監楊
德澤常在宮中出入見皇上日用一動一靜並不像皇
帝家行的事且數年以來凡所用所存內庫銀錢並無
有十金之數所穿衣服亦無三件之餘足下之履不過

兩雙所進之饌不過隨便一飽饌金雖餘奈皇上每日
減去湊助兵餉又恐過費又嘗自言寡人非有富貴之
想只為二祖列宗社稷中興之大事也每遇新歲時常
對正宮而言曰我夫婦切莫言旦歲之歡且克念二祖
列宗在幽冥含淚之苦想你我有何意放得下皇后答
曰聖上說得是有時娘娘見宮中十分清淡不堪暗叫
內臣於皇親夫人處做些飲食之類進上來不期皇上
一見大怒曰我今為天子大位豈不知享用乎但未到
享用之時耳況且目今諸王大臣大小三軍俱在外受
苦之際我竟佯為不知獨享受用豈不欺瞞了二祖列
宗如寡人懷如此之行上天豈能容我焉能有中興之

日汝皇親國舅等俱是富貴中小人竟不知大義如今
再要行此禮即當誅之言罷就将進來的食物盡行擡
出隨將管門內監提督等官俱各痛責罰俸一年助餉
自此以後絕無人進獻食物矣每到隆冬之時夜夜與
娘娘同觀本章必至四鼓而寢夜深寒甚袍服單薄不
能煖身常将被披之且龍體原有胎中所帶痰火之疾
必要用些藥酒方能和暢奈庫內無銀倉內又無粟將
何置辦只得甘受而已忽一日痰火大發詔太醫院官
入宮診脉診罷奏曰皇上龍體皆是受寒之故且又是
痰火舊恙發了必得藥酒宣通血氣方能得愈皇上大
笑而言曰朕非思酒之病也朕不用藥汝等且出去再

議太醫官出皇上自言曰朕非不服藥也只恐過費錢
糧耳後晉王聞之親詣宮門請安并滿朝文武俱至晉
王奏曰臣忽聞皇上萬乘之體受得寒痰臣所望者何
人也況且寒痰非尋常之症萬望皇上保重龍體今臣
備得新皮袍二件望皇上龍顏笑納此非臣今日所製
是臣在廣西帶來的還未穿過今日進上以表臣一點
忠義之心時晉王奏之再三方纔收下皇上又曰孤受
寒理之所當豈如王在疆場為國勞心此衣還當留在
卿處早晚遮寒晉王曰臣若貪飽煖想榮華豈不辜負
我皇上並衆文武三軍之心哉是日退朝後上親書硃
詔貼午門外曉諭太醫院並內監等官朕不過受些小
風寒今已大安爾等在外不得大驚小怪謠言惑衆况
晉王與衆文武俱有國事汝等謠言本應重究今姑罰
俸以助軍餉嗣若再有妄談國政惑亂軍心者罪在不
赦自此一切大小事務俱用密旨出入皇上又嘗問內
大臣龐天壽曰爾見我所行之事可有錯否倘有差悞
爾當直諫勿隱龐奏曰臣見皇上所為之事上合天心
下孚民志身不晏安苦心勞慮未有不感動天心而中興
者也又數年以來聖駕無一日不臨太祖閣上此閣在
宮中每俯伏而泣曰我祖宗你子孫何日方得中興也
每逢告太廟之時必誠心齋祭拜畢即向晉王并衆大
臣大哭曰寡人乃無福之人也汝等如此勞兵勞力如

何不能得箇平定之日朕竟不知朕是何許人也言罷衆臣皆哭如此者非止一次內有正宮王娘娘才德相兼頗有賢名常隨皇上議論本章晝夜不惜勞苦每日清晨必行君臣之禮雖處亂世必行太平之儀旁有二貴人俱有名無位闈中宮眷等俱淡泊苦守自元年至十三年從未見皇上有一刻歡也不期貴州孫可望領兵攻打雲南時兵馬雖多而糧草不足君臣日夜躊躇只得發兵迎敵當時雖有二王未知其心晉王李定國常懷忠義之心蜀王劉文秀看守城池又不便叫他去迎敵只得將二王之兵俱發出防守以除劉文秀裡應外合之意時內大臣龐公已故內又無才能者一人幸沐國公保守城池不期城內又有孫可望腹心保國公王國忠在內接應事在危急時永歷十三年九月十一日忽聞晉王報捷的本上來君臣少有定志皇上覽罷本章遞與沐國公並宰相馬國勛等特衆文武俱各入朝賀捷上曰孫可望雖敗餘賊未除卿等還當照常保守城池切不可懈怠且待晉王回兵之日再作議論又宣晉王賚奏官近前諭曰汝王之功非小三軍衆將亦應陞賞奈今府庫正在乏竭之時汝王一一盡知今將宮中一年之費用汝帶往軍前備買羊酒與諸將三軍舉杯一笑而已今孫可望雖敗正在計窮力竭之際須防他投降清朝此事要着意打聽使去之後未及十日

忽沐國公有急事面奏云接得李晉王密書云今夜有逆賊張勝領兵攻城此係孫可望差來有保國公與他內應伏乞皇上將保國公王進忠詔進朝來待臣等在城上防守再傳密旨與錦衣等官俱要暗藏兵器如保國進見不許帶一人入禁皇上將沐國公所奏之事一一照行王進忠知己敗露面皆失色惟口稱有疾伏望皇上天恩赦臣在朝房候旨皇上只是不依其夜已將戌時有沐國公部下副將張龍來奏曰反賊張勝兵已到渾水塘皇上即差近侍小內臣楊德澤同張龍上城傳密旨與沐國公曰卿不可下城凡有所奏即差張龍來奏朕內有密旨自有近侍楊德澤到卿帳下也時已三更沐國公傳令叫大小街巷家家俱要點出燈火伺候如一家無者即同叛逆處斬又將保國部下守城之兵調在大西門去了至五更時分張勝之兵已臨城下望城上大叫曰裡面的事可明白了麼城上將大石打下張勝方知事已敗露隨即回兵放火殺人沐國公已先有一千人馬埋伏在外只聽城上號一响伏兵四起將賊圍困賊兵約有三千殺死二千剩下十餘人逃去後又遇我楚雄之兵至城下會勦賊兵四下逃竄只剩張勝百餘人而去黎明至午城門未開沐國公遣張龍奏知皇上皇上始命沐國公入朝皇上下大哭曰昨夜之事若非國公保守君臣之命俱喪在賊手矣語未竟忽

報張勝又會永昌楚雄一帶大將關有才等前來攻打
沭國公預先準備四下俱用重兵戰將埋伏張勝等人
馬將至城邊號砲一起四下圍合將張勝等俱已擒捉
其時大開城門又重頒安民詔并詔晉王軍前曉諭次
日王進忠已自盡矣時永歷十三年十月初十日晉王
有本奏孫可望已被劉文秀放走去投清朝了皇上覽
畢曰此賊即我朝之禍水也想此賊當日把我母子困
在安龍要置朕于死地時幸有李王來救一家方得脫
離虎口今又被他紊亂國政殺害百姓又投入清營將
來此賊寔為腹心之害皇上恐大事有失遂宣晉王星
夜還朝共商并要發落張勝恐日久生變晉王得旨甚
是愁慮欲要回兵又恐蜀王劉文秀懷亂欲不回兵又
恐雲南事急只得請蜀王來共議看他動靜若何時正
遇冬月又恐三軍寒冷兵馬難行且說蜀王劉文秀見
孫可望已投清營又知雲南事已大露諒不能成只得
來見晉王倒身謝罪曰非我放走可望因我彼時有病
不及趕上萬望長兄恕我大罪保救一家性命晉王曰
賢弟不聽我忠義之言反信小人之語致有今日然今
日之事天命也亦俱余之過也遂先差白文選進京朝
見再着精細打探清兵消息然後回兵且說白文選乃
孫可望帳下一員大將因永歷六年間差他去害皇上
文選到安龍朝見皇上時有崇禎中舊吏目陳也茂百

戶葉照等官俱日有一朝雖皇上在不得際之時未嘗失君臣之禮文選見他們如此小官且能懷忠義之心遂有棄邪歸正之意每日不離左右竭力保護又見孫可望待皇上名為天子宫主及內臣宮女等共三十名口一口皇后一口太子宫主及內臣宮女等共三十名口每名一日支口糧一升每口支口糧半升故此文選與帳下大將馬進忠商議同懷忠義暗相盟護當可望犯雲南時二人已先有本報知皇上云臣二人今且隨孫可望領兵同到平夷衛待臨陣之時必將可望擒來見駕皇上因他二人有功事平之後俱封為郡王故晉王見事已平息纔叫他先去見駕時冬至月十五日二王回兵入朝君臣痛哭又聞孫可望帶領清兵來攻已至湖南地方領兵將軍係清人宗親王子同經畧洪承疇君臣又添一番愁悶只得將各鎮兵馬俱發在湖廣貴州等處鎮守時就着白文選馬進忠分作二路進兵李晉王就去獨守關嶺劉文秀出四川擋陝西等處沐國公留守雲南接應軍餉時正在出兵空虛之際又報各處土司作亂信息直至沐國公書到方知次日傳令帶三軍往彼打獵遂將土官等俱已擒捉差人告捷安民不題且說貴州領兵之馬進忠有報達知晉王說清兵已至常德府孫可望亦未來還有本達上時白文選亦有本來奏上見二人本章俱是一樣土司雖平又見說

清兵已至常德因與沭國公馬國勛等立兵馬將臨錢糧缺欠年荒歲旱人馬困乏此實天亡我也沭國公曰此非皇上之過也天運循環無往不復自有蒼天默佑耳回宮又將早朝之事一一奏與太后太后即傳旨自娘娘以下至宮人所戴之物盡行拿出助餉自此宮中飾物一空俱收在太后面前就傳司禮監李國泰領出交付與沭國公時沭國公與眾文武見之俱各下淚只得將此項飾物頒至軍前時晉王正在軍餉不足之際忽見有京中差官到來忙出轅門接旨只見差官將皇上發出之物捧上又有二十槴是滿朝文武夫人的首飾約有三萬金之數晉王望京叩首而哭曰今日之事使千百年後聞之亦俱下淚者也即叫眾將並三軍等俱望闕謝恩滿營將士無不流涕哀動三軍即將賜來之物分給各營遂出示各鎮軍民人等知悉雲南地方雖小然而山林深僻因流賊作亂相連雲貴川廣明朝的鄉宦在山林隱者甚多今見皇上所行如此俱出來助餉晉王俱以優禮相待此時雲南全省錢糧已足又兼將士齊心方幸可以堅守奈天運不順時當永歷十四年六月初五日忽報清兵到貴州邊境又報七路進兵東從廣西南陵至安龍等處西從四川金沙江等處地方不到一月之間雲南大亂皇上恐都城難保日夜與沭國公等商議幸得錢糧有餘庶可少支時永歷十四年十月十八日清兵侵入內地至二十五日報言六處守兵大敗惟大將軍晉王獨守關嶺六處所敗之將

官俱投降清朝惟有白文選敗回馬進忠病在軍中還有六路降不盡的敗兵俱擁至關嶺來見晉王甚是憂愁衆將俱勸晉王棄關入省保駕晉王曰我豈不知雲南要緊奈此關是全省咽喉若關嶺一失是無雲南矣無雲南是無皇上矣諸將又言倘我朝降將暗領清兵直入雲南使我首尾不相救應奈何晉王無奈只得依言暗傳號令星夜回兵行至三日早有人來報清兵已從安龍府入今現在山口安營這安龍所因永歷受困於此後到雲南建都改為安龍府也且說清兵離安龍還有八十里來報的人是知府王國興差來的晉王聞之甚是着急就親領五千精銳往前進發又着前部先鋒竇名望帶三千人馬星夜速上雲南奏知皇上速將車輦收拾齊備倘與清兵交戰不勝便請皇上遷都永昌再作商議且說清兵聞晉王兵到俱各駭然以為神奈氣運已絕土人走漏消息報知李王兵不滿萬糧草短少時清營大將趙僕泰聞之喜甚次日兩軍交戰自辰至未並無勝負清兵後將李王圍住衆軍殺散人馬大敗李王入身重圍厲聲告天曰我大明三百餘年之天下今日喪於李定國之手遂拔劍欲自刎為衆將勸住清兵見定國雖遭大困兵勢不動恐有詭計收兵而退時已一更李王在燈下抄寫本章差人上雲南去了查點部下只少八百餘人清兵又到定國忙點人馬齊冲下山只因山高勢險夜深路狹清兵不戰而退李王亦不追趕星夜帶領人馬趕至安龍府去行至五鼓方

到與衆將商議今日清兵必來追趕此處無糧接應諒不能勝不如着三千人馬埋伏東山谷口清兵若進此口伏兵衝出截為兩段內外夾攻死戰一陣即不能勝亦使清兵不敢擅入雲南遂傳令土人去東山砍取大木將四處要路塞住使他只向大路而進晉王在高嶺看見清兵進來果然衝作兩段遂謂諸將曰千百年之功臣全在此一舉也言罷李王從清營脇下殺出把清人大纛奪了二桿衆將四面殺入清兵見勢重往外便攻不期外邊還有一層圍住清兵見着實利害收兵不動從午至酉清兵三萬餘被晉王殺去大半天色已晚人馬困乏只得收兵下營晉王查點自己人馬少了一千餘人悲歎不已是夜與諸將議曰今日雖大勝清人一陣但我營人馬甚少若到天明恐怕看出虛實奈何諸將曰今日事在危急且差人星夜到各處地方粘貼告示曉諭只說清人大敗於安龍府今又將關嶺並雲南之兵一齊弔來合會大將軍不日要克復貴州了再將我營旂號俱插在各山嶺上遇無人馬之地放起烟火虛張聲勢再着有才能者一人在此鎮守千歲只帶隨身將士星夜趕上雲南請皇上駕遷永昌隨將各鎮人馬調集再戰未遲晉王垂思良久只得依計而行幸清兵不敢前進晉王到了雲南見了皇上君臣痛哭曰我明朝氣運盡矣空負一片忠義之心勤勞王事血戰

千場朕無所酬惟青史標卿千古不朽之美名耳又曰
今大事已去卿叫朕遷都永昌何益晉王曰事勢危急
不過暫上永昌一避耳沐國公曰臣祖宗所居皆深險
之地自張獻忠敗亡之後四王等直入雲南各自稱王
為害土司先已作反數次今幸得聖駕在此建都少得
平息且土人性多狡滑久已不服臣調遣今駕遷永昌
必從土司路過先要將土司治服一應錢糧無慮遂擇
於永歷十四年冬月二十七日起程沐天波請用夫馬
幾何上笑曰不過太后皇后貴人公主連宮人不過三
十人耳至於內庫所用之物不知所穿之衣常在寡人
身上所食之物不過隨便一飽而已沐國公聞之亦泣
然流涕曰今雖氣運不順縱無中興之日皇上已成千
百世之聖人矣未幾李晉王又來奏曰臣今日接得關
嶺鎮將漢陽王馬進忠緊急報文言清兵又從四川進
來領兵的就是崇禎年間封三伯的吳三桂清朝今封
為平西親王今領兵來攻雲南臣請皇上速差白文選
帶一枝人馬去守天星橋最為要緊再叫他帳下選一
個有才能的文士去說吳三桂就說汝乃係明朝舊大
臣今永歷皇上日夜惟望你來重定中興若肯一舉同
心事成之後平分社稷可請王速換衣冠一同去見皇
上共成大事就是大明的二祖列宗崇禎先帝陰靈亦
是忻喜就是王的祖宗美享春秋萬古存不朽之名且

看他如何答應他若執意不從必將我朝使臣殺害那時可將孔有德的兒子原係他的女婿送到軍前再對他說他若再不依時將他女婿殺了再看皇上一依行晉王沐國並滿朝文武俱來送駕此一日君臣大別俱哭在一處神鬼俱驚晉王曰臣當送駕百里又恐雲南有變只得在後鎮之可叫臣妻同臣子隨駕次日皇上同宮眷等俱出沐國公帶領三千羽林軍緩緩而行者城內外老少俱遮道而哭要隨上永昌去皇上亦大哭曰爾等百姓俱宜回去俟中興之日再與爾等相會此還是我遺害了你眾百姓小聞言哭聲振地戀戀不捨老弱者隨至百里至足不能行而止少壯者竟隨至二百里或三百餘里不止行至未時有報馬來報沐國接住就在馬上看了內云清兵已過貴州白文選西路兵敗又吳三桂將我們遣去說士劉漢臣殺了不一時駕已行到安寧州下營沐國公就將今日報來之事奏上皇上曰恐亂軍心不必傳旨時有土司龍昌出來朝見進貢沐國公曰此人一出夫馬可無慮矣後昌果然日日親身在前催備夫馬直到永昌不誤且說皇上自雲南起程已走了二十一日無不受驚恐且每日有小人餘賊搶掠此俱王國忠家的前番作亂要與可望接手的餘賊混在軍中是無奈何時沐國公傳令即拿即斬始得平息皇上到了永昌五日之後晉王就有本

來奏言臣李定國死罪死罪臣一人力盡無能各鎮將
總兵俱已投入清營臣部下之兵只二萬餘耳漢陽王
馬進忠已故鞏昌王白文選負傷清兵已入雲南臣在
雲南清兵亦難遽入永昌臣與清兵對壘五陣俱賴洪
福無傷臣死罪死罪上見奏哭曰皆是寡人彌天之罪
也沐國與衆臣曰是皆臣等無能之罪非皇上聖明何
以支此十餘年上曰卿等還當同朕告天俱要三日齋
戒不可怠忽時在永昌君臣大告天地十分哀慟永昌
內外軍民無不垂涕十二月初十日晉王見清兵日勝
兼又軍需將乏且七處雖埋伏下奇兵清兵竟不肯入
不知是何緣故正在疑慮之間忽報設下奇兵俱被我
們投過去的人說與他們知道了晉王聞之惟長歎而
已只得緩緩退到永昌王又傳令與三軍今大事如此
恐天命有回時爾等不可言他人他方就行搶掠
若欲搶掠可速殺我衆將士俱下泣曰王忠義之心我
等隨王數十餘年待如骨肉今日惟一死以報耳敢有
搶掠歸林之心哉晉王聞之且悲且悅就叫總兵王惠
帶三千人馬鎮守草鋪總兵潘融帶三千人馬鎮守祿
豐又令左路將軍竇名望帶五千精兵在此鎮守着勢
出入又令右路將軍齊三省帶五千人馬到金沙江接
應鞏昌王白文選與他同上永昌又令前路將軍馬士
良帶五千精兵同衆謀士各處催運糧草又令副將王

鎮帶五百能走步兵藏在寧安州探聽清兵消息并看人到各處報知餘下老弱兵馬俱隨上永昌爾等各路三日一報不論有事無事李王拜眾將亦拜俱哭聲震野李王曰前四拜是我替皇上拜的後四拜是我李定國拜的我李定國自接皇上來到雲南並不曾瞞了諸公私自晏樂一日今日之舉望諸公克念皇上數年以來受盡苦楚且天恩浩蕩仁化過人待爾我之恩不薄我等見今日大事未成豈學匹夫小人所為諸公果能夠請得皇上回來此功勝定國十倍定國願拜麾下為將就是皇上當日入雲南時亦曾有旨如有復得明朝江山願將天下分之我今日下拜諸公亦望諸公將來功業不小眾將哭曰所不盡心於明朝者有如日我等惟一死戰以報國恩永不負王一片忠義之心也次日李王還永昌自陳十大罪請賜誅殛并拔劍欲自刎以皇上并眾臣苦勸而止次日左路將軍竇名望回朝奏回曰王蕙等俱帶全軍投清營去了臣一人支持不過只得退回今清兵已過楚雄將至下關大理等處矣上曰卿年老多病今日受此勞苦想我朝大事諒無中興之日惟願卿於史冊上載千古不朽之忠名而已晉王曰今清兵已近臣等要整齊殘兵死守永昌又奈此處糧草短少欲請皇上且上騰越州但恐山狹路窄難行車駕耳臣又想四海外並無去處惟有此處還可少存

得幾日上哭曰事已至此但憑卿等為之寡人所慮者
惟有老母年殘耳李王曰清兵已至大理相隔不過五
百餘里只在兩三日就要到此今就請皇上到騰越亦
不過隔一江之險若清兵再到那裡又將何往沐國公
說再無去處只有外國還可作得退步但緬甸宣慰司
久已不來進貢了且又不知他的路徑晉王向沐國公
曰今事已在危急你不必推辭此地方當日原係你管
的今日只得還要勞駕先往安服他們這些夷人非老
國公不能征服但得此去糧草接濟皆賴國公之力言
罷晉王同眾文武就向沐國公大拜四拜時沐國公十
分着急曰為人誰不肯做忠臣但緬甸乃久反之地况
我手下又無一枝硬兵晉王曰就將我營內兵揀精者
挑選去沐國公曰既如此王就請奏去我今日便起身
也於是晉王同沐國公大哭奏曰今事已如此龍意焦
愁也是枉然聞得數日之間皇上竟不曾進膳且皇太
后又在高年恐為皇上添一番愁悶俱是臣等遺罪不
淺上亦哭曰朕一人死自應當何又累及卿等血戰之
苦又叫各省軍民受了多少塗炭遺累老母受了無限
苦楚日後如何去見二祖列宗叫朕如何喫得下飯去
說罷晉王就送沐國公出城去了忽有人來報今有保
國公家人會同許多鄉民滿城放槍起來了并將今日
送沐國公的文武官員俱拏住要銀子哩晉王就帶了

隨身人馬吩咐跟隨的千百戶指揮你們快去將朝門把守恐皇上受驚又叫人將保國公母子擒住并他管家即速拏來就將拏來之賊就在各市斬首號令事已平定衆將請將保母國子處斬王曰必須請旨定奪晉王見皇上請安畢即請斬保國母子上曰念他與王同事日久權赦不誅逐出城外罷且說竇名望報清兵已過下關將近永昌交界快請皇上上騰越遲則恐走不及惟有一計乞十歲不必隨駕俟臣三兩日內來面商晉王就將保駕官員一一奏上引見了次日五鼓起駕晉王送至三十里外竇名望夜半已到永昌遂將奇計密告晉王晉王大喜今夜即行遂將所存餘物賞了三軍天尚未明二人星夜趕到磨盤山就將所議計策一一備齊專候清兵來時決一死戰即將五營四哨的大刀手俱埋伏在狹路處又將滿山大木砍來將各處小路擋塞了只留一條大路讓清兵進來竇名望帶三千人馬在山下引戰又着人在山頂上搭起一臺臺上安四門每門着十個人在上高望若見竇名望敗走即着一人來報但看清兵從那一方來即那一方人報報回賞銀一百兩又命大刀手如遇敵兵不必擒拏可一齊努力連人帶馬都劈下嶺去若能全勝日後俱是總兵之職準備方畢報皇下上已到騰越了路上無一刻不廝殺幸得人多保住又虧十歲預備下鉄錘將山石打

開龍輦方能前行正說之間忽報清兵已到江口今夜且不上山也不過江在江口西南下營晉王即傳令四更造飯五鼓齊備竇名望已下山口去了天將明已報清兵過江了又報竇將軍與清兵交戰哩又報竇將軍敗上山來了清兵已入我埋伏之地了又報千歲大喜大刀手已與清人接戰了自辰至午將清兵劈了十分之四連人帶馬砍死者不知其數忽又報啓千歲不好了不知是誰家人走下山去報知清營竇將軍竟被砲打死了晉王聽說暈死在地時有衆將扶起把守山口往下放砲清兵亦不能上來遂速着人到騰越報知皇上快叫世子到來也是千歲人生一場時已夜半晉王方甦得知去報皇上恐一齊驚亂必要自上騰越遂上馬來至騰越看見世子帶了母親都出來了晉王大驚方知衆將之意皇上正在急躁之間知晉王已來即同文武拜謝天地晉王大哭奏曰臣同竇名望設此一計實實清兵殺絕怎奈天命不祐又被奸細透漏消息故不能成其大事此皆臣之罪也又將竇名望下山戰死之事一一奏知乞皇上同衆文武親自祭奠一番也不枉竇名望盡忠報國之忱皇上依奏而行竇名望的夫人兒子跪在道旁接駕皇上放聲大哭神鬼皆驚祭罷已報清兵過江在山下安營此時只得請皇上外國去罷自此君臣別後二十餘日纔得會面此後連上太

后皇后宮眷等俱混亂在軍中營內將近沐國公去的地方纔得個安息日子李王亦趕進來了皇上纔得見了一碗大米飯從前二十餘日不過食些馬肉就是好的了晉王曰臣自知失守封疆必要與清兵決一死戰清兵只是不與臣上陣他只尾在後跟着況且又是糧絕之際臣只得反追上去臣與清兵殺了三日三夜清兵只是不退如今他也收兵不戰次日臣又將清兵冲散方得脫離今幸得見龍顏沐國公曰今到這裡此就是進外國的總路地名銅皮關往前還有六關俱是大山大箐最是難行山路又是歧曲窄狹此只有三條路一條路是往孟良去的一條路通交趾且有大江隔阻一條就是入緬的路了皇上曰卿等今日還要叫朕往那裡去不如將朕拿送清營就完了這件大事了就是走到天邊也是無用的了晉王泣曰皇上今日說出此言臣等俱該萬死時永歷十五年三月初一日乃是大朝之期晉王同大臣等俱在野地一朝即奏曰今請皇上且進緬甸權居一二年再看天命今着沐國公帶領錦衣衛還有總兵潘融馬步兵三千文武內臣錦衣官等共有百人臣本當隨營保駕奈外邊之事無人料理臣今雖在外邊還要望天命返照若能得一個地方臣即當請駕遷都皇上就將晉王抱住痛哭不放太后太子俱出來將晉王圍住痛哭太后曰李王我母子負累

王了今日我母子雖別王進外國望王日後必要始終我母子活一日必望看王一日老身並無別物謝王惟下一禮願王受之微表老身之心老身所慮者猶恐日後萬一不能得出公等又將何法處之皇上又將自己御袍扯下一幅將手指咬破寫了一篇血詔交與李王曰寡人書此不為別事因昔日在廣東時曾向卿說過原許將明朝天下與王共分不期天命不從遂至今日今朕將此信詔圓成了罷李王哭倒在地不肯奉詔沐國公曰王權且收下他日行與不行在王之心耳李王又曰此去緬甸乃是海外諸物不備且水路相隔臣處遙遠恐本章一時不能入朝臣去必要與清家見個高低復得些地方纔可着人來報捷遂大哭而別皇上見晉王去了心下着實傷悶就將皇太子叫來痛責曰汝今年已十三也不為小今日我與晉王相別連太后也去拜他你也該下他一禮如何世事一些不知昔唐明皇虧了一個好兒所以大事有望今我便生你一個蠢物說話間晉王又差官奏昨日出去時又與清兵上了一陣托皇上洪福幸得平安晉王又在軍需內勻下三千兩銀子進上以防不時之需還有皇上太后王后太子公主袍服共六件此是在亂軍營內得來恐路上寒冷一時不備故差官進上不一日已到蠻磨土司交界了土司見駕甚言土人俱在山洞居住夫馬錢糧無人

預備沐國公曰天朝皇帝不過借路一走你若不納糧
草就叫人拏去與我劈了留他首級號令土司道夷人
最是膽小今見天兵帶着鋒刃土人見了害怕所以盡
皆躲過若老祖爺赦了土司將三軍所佩的鋒刃盡行
除去他們就送糧草了沐國公正在絕糧之時事在危
急又不知他的路徑只得傳令將三軍器械盡行收藏
土人一個個都出來了不一時糧草堆積如山合營人
馬俱得飽喫誰想第四日夜半時分聽砲聲不絕四野
山頭上俱放起火來沐國公就傳令三軍且莫動手先
着人去將河下船隻俱搶了等到天明再作商議天明
時報言土司將一國土人俱已逃了幸得搶此船隻皇
上併宮眷等上船沐國公同衆文武也上船潘總兵帶
了兵馬從旱路去自此以後君臣不復再會矣是時皇
上同沐國公衆文武到了緬甸指望緬王前來接駕不
期被他置之絕地那時進退不得且又不識他的土語
君臣受困絕糧在緬甸者三年而李晉王與清兵交戰
數十陣越戰越窮無計可施只得將老弱敗殘之兵整
理不上三千復帶着向外國尋皇上安身之地不期行
到銅皮關已無路徑雖有幾處小路早被土人將大木
塞斷了只得又往大路去尋已經三年常遇土人不知
上了無數的陣總不得皇上的消息後忽聞皇上被清
兵接出來了遂同衆謀士金龔質等商與清兵抵死一

戰救駕本營兵馬有限欲要投出去同皇上一死又恐不能見皇上的面又慮後人反言晉王有投誠之心所以憂憤成疾一日向北大哭曰臣李定國蒙皇上太后王后洪恩生不能見皇上之面當以死後冀來生再報天恩耳哭罷暈死在地良久方甦就要甲冑來披曰我李定國今生不能殺盡敵人轉世定把敵人殺絕言罷氣絕蓋晉王自聞皇上信息三日不進飲食了其時內監夏應瓊係晉府承奉奉公子李嗣興與晉王妃出來投服清朝李嗣興受了侯爵後為總兵鎮守寧夏不題再說皇上同衆文武俱被緬賊置之深野人烟不到之所三年之中受盡許多苦楚驚惶後又被緬賊將沐國公并內大臣文武等共一百六人俱誘出去喫符呪水時永歷十七年七月十九日沐國公大怒曰此不是喫符呪水不過你們賊人奸計要將我君臣一網打盡我們明日一早就去是夜君臣哭別慘慟無比沐國公就傳令與錦衣衛丁調鼎曰公當將所管之人明日在駕前左右守定賊若動手時叫只是一死罷了皇上笑曰事已至此豈有怕死之理

了皇上吩咐就下樓來下來時就被緬賊綁了去見他的頭目就問你有多少歲了應曰我年十二頭目曰你些小年紀如此大胆你下樓來做甚麼楊德澤應曰我們已被你國殺得這等光景不見你們把我君臣殺盡又不見你們有個發落今日已三日了且天氣炎熱男女俱在樓上臭氣難受是我主天朝皇帝旨意差來問你們的頭目曰是國王的令不與我們相干楊德澤曰難道叫我把我君臣活活餓死連水也不叫喫一口麼于是頭目叫土兵四人將德澤帶住他就回他的國王去了自辰至午頭目方回說國王如今將你們皇帝還叫他到原舊處去住也不叫我們看着了就将楊德澤

放綁帶了夷兵俱各散去德澤回來一一奏知太后將德澤抱住大哭曰今日着實難為你了我的兒這就是你救駕功了忽有番僧來見皇上曰這國王不是好人昨日他将親兄殺了奪了國位因見天朝大事已不能成天朝又無人來往故此起心要害皇上昨日他為甚麼忽然去了此是皇上的福大他正要將皇上拿去只見天朝來了一角文書不知是明朝的是清朝的只聽說是要皇上的他着這一唬故此回去了時就有土人來進薪米緬王聞之就将土人殺了又着千餘人來看住皇上宮眷等又餓了二日自此以後絕無土人進貢如此四十餘日晝夜惟聞鬼哭神號內邊悲切聲不絕

淒涼難過且又無賣的食物惟有內監八人暮出朝入各處去不拘好歹尋些野菜食物與君臣宮眷度日而已忽一日緬王着人來說中國皇帝我這裡住不得了可再往別處罷皇上下大罵夷賊奸計太多我君臣自入你國不知受了個無限苦楚我君臣共有五千餘人被你夷賊殺得只剩八個內臣百餘個女人又將我母子餓了四十餘日今日又來胡說教我母子往那裡去我就隨你去罷時將亥刻且是九月天氣甚是寒冷將皇上下太后皇后俱上了當日來的舊輦餘下宮眷文武俱是步行走到半夜已到江口俱上了船將至天明隱隱只見岸上有數千人馬不知是明是清只得混在軍中往前往行去時皇上痰火大發病十分重太后十分着急叫楊德澤艙口一看只見亂紛紛兵馬並不見有個旗號只聽得滿營中叫總兵王蕙又見幾頂大轎在岸上歇着聽得說等天明時請皇上下太后上轎罷德澤就將見聞之事一一奏知太后時皇上龍體畧清說道此是清兵了既是王蕙來為何不上船來至辰時後忽見來了百十人手中並無兵器王蕙果然來了上船見駕皇上就說你是吳三桂差來的麼王蕙不敢答應皇上下大聲罵道我明朝有何負你們之處你們必要把我明朝子孫一網打盡我想你們受功不過封王今日將我母子殺了日後罵名千載想我當日待你王蕙不薄誰

知你不惟偷生今又背主又連吳三桂亦大罵在內那時皇上龍顏大怒指着王蕙道你這偷生匹夫快下去罷此地是忠臣良將跪的不是你狗彘跪的王蕙自覺十分慚愧又有年紀跌了一交倒在江岸已不能言語衆人都說他受了中風不語的症不一時又有清營內人上來跪奏曰我是清朝前部先鋒大將軍名叫鶯阿是正白旗人今日聽見明朝皇帝來子了特來請皇上的安皇上曰我是亡國天子你們如何還用大禮清將答曰久聞皇上聖明今日之事是天命所為原不與我們相干皇上自然明白的我們今日既請皇上出來自然寫本奏知我們主子還要請皇上駕幸京都同享天下皇上曰我不然早已辭世了因我有太后年殘故放不下公等幸勿驚我太后便是諸公大德若要查點人名可問我小內臣楊德澤清官就将德澤叫上岸去將人口花名一一寫去時皇上帶病隨清營行了五個月從未進得一鍾飲食惟每日作詩幾首對燈然而哭有時守着太后下淚曰兒固當刑為何累及母親受此大禍將至雲南皇上又痰火大發自己常大笑曰我堂堂天子豈圖他人富貴我不覺病體漸漸沉重只剩悠悠一氣而已一日忽有人來說今日是北京差人來想必要請皇上去見他他還有旨意要宣與皇上聽皇上就向太后曰兒不能孝順母親了想兒的大數已盡矣

說罷果有人來見駕皇上只是不語其時永歷十八年四月初二日皇上與太子并皇親之子小哥一同受刑在雲南是日天昏地暗不一時霹靂閃電冰雹滿城時清兵八旗人馬俱要作反要力保永歷皇上滿城內外軍兵百姓俱大哭三日不止時吳三桂亦自有些慚愧又恐滿洲人害他與永歷報讐即上了一本說滿兵俱懷二心要替永歷報讐作反旨意下來即將八旗滿兵盡行處斬三桂又將太后皇后宮眷內臣俱送到北京正逢順治皇帝駕崩四輔臣理政他們不知大體將太后放在養老宮中就將皇后小宮主要婚配與人皇后大怒就向太后拜了四拜又向永歷皇帝靈前拜了四拜曰我丈夫堂堂聖明之君雖不能中興實有堯舜之風且又受了賊子慘毒之苦這也是天命所使想想我在朝為帝后時我君臣恭敬毫無所失今被賊人如此欺逼這都是我的不是處我是一個女流如何受得先帝所托大任教我存命孝順婆婆我想今日就尋一死亦是遲了正說之間只見滿洲多人闖將進來娘娘忙了要尋刀刃之物急切無有遂將磁碗打破拿在手裡儘力勒斷咽喉登時氣絕而崩四輔臣聞知此事亦覺駭然就禮部官照明朝正宮禮葬時京都各省無人知者明朝文武大臣亦無一個在者惟有小內臣楊德澤權為孝子穿重孝送葬畢後太后壽至九十一歲而崩惟

公主不二年亦去世矣俱是小內臣楊德澤穿孝送終故小內臣始終所見知所見國家之事盡在目中今一錄出告世也不枉我皇上太后王后太子李晉王沐國公文武內大臣等及三軍將士死國死忠之烈百世而下聞者有不下淚哉

楊監筆記終

此書詞雖不文而叙次詳明情致激昂悲壯足使千古為之感動可歌可泣寔勝一時文人之筆也永明君臣得此不朽他書且束之高閣可矣

山陰汪能肅兩人氏記

玩序文似楊監入宮時永明王已至滇故粵事不詳只詳滇事也其記永明太后以壽終永明后以磁鋒斷喉死與繹史記姑婦皆扼吭死不同當以此為寔錄作繹史者必未見此書故不采耳

兩人又記